

桂平縣志卷三十二

紀事

桂平設縣自漢已然布山阿林兩邑皆在今日疆域之中設官分職蓋二千年矣而袁湛業縣志記事斷自明初閱者多未愜於心夫孔子刪書始自唐虞以堯舜之前文不雅馴縉紳先生難言之也本史記春秋記事始自魯隱以平王東遷周失其官因修魯史以繼之故漢代經師咸謂春秋繼周繼周云者有制作待後之意而接續前脩使事跡不泯亦應有之義司馬光作資治通鑑始於三家分晉以紹左傳之後此物此志也若桂平縣志記事斷自明代於義何取乎昧昧我思

之蓋袁之所作本於乾隆間吳志縮資治圖志吳之爲是在於察山川之夷險稽戶口之多寡與租庸之變更故以資治爲名往朝大事非所注意惟明世藤峽之亂實爲縣屬舊日吏治之梗欲知山川險夷賊盜出沒之踪正可借猺亂以資鏡察故取而錄之與史家編年之例同而不同袁志從而效之彼固自有其例未可以今而非古也惟自民智日增治道不出於上而起於下政法愈密則州縣之歷史愈尊况今日百里之邑在周世爲公侯大國志乘檣杭所職務取其詳故立紀地紀政紀事紀人紀文五大綱而歷朝治亂興亡之跡涉於本縣者皆屬紀事內所不可忽縣治既始於漢則本篇



叙述宜自漢始然歷朝事跡愈近愈繁有清一代所聞多於自漢迄明之數故輯崇禎以前爲上編自清順治至民國爲下編非重視清朝也卷帙之配置當然爾

紀事上編 自漢武帝元鼎六年至明崇禎開入此編

漢武帝元鼎六年冬十月定越地曰爲南海蒼梧鬱林合浦交阯九真日南珠厓儋耳郡 漢書武帝紀地爲儋耳珠厓南海蒼

梧鬱林合浦交阯九真日南九郡皆治布山即今桂平潯州郡地之始自漢至隋鬱林郡皆治布山即今桂平貴縣地至唐貞觀中始改置今鬱林州故此篇所采鬱林事斷自貞觀以前

後漢安帝元初三年春正月蒼梧鬱林合浦蠻夷反叛二月遣侍御史任督州郡兵討之 後漢書安帝紀

桂平縣志卷三二 紀事 上編 二 粵東編譯公司承印

丙辰赦蒼梧鬱林合浦南海吏人爲賊所迫者 同上

冬十一月蒼梧鬱林合浦蠻夷降 同上

元初二年蒼梧蠻夷反叛明年遂招誘鬱林合浦蠻漢數千人攻蒼梧郡鄧太后遣侍御史任連奉詔赦之賊皆降

散 後漢書南蠻傳

吳孫權赤烏二年冬十月將軍蔣祕南討夷賊祕所領都督廖式自稱平南將軍與弟潛共攻零陵桂陽及搖動交州蒼梧鬱林諸郡遣將軍呂岱唐咨討之歲餘皆破 吳志孫權傳錄府志

廖式作亂攻圍城邑零陵蒼梧鬱林諸郡騷擾岱自表輒行星夜兼路權遣使追拜岱交州牧及遣諸將唐咨等絡



繹相繼攻討一年破之斬式並其支黨郡縣悉平吳志呂岱傳

孫休永安四年九月布山言白龍見吳志孫休傳

晉武帝泰始四年吳孫皓寶鼎三年冬十月吳將顧容寇鬱林太守

毛吳大破之斬其交州刺史劉俊將軍修則晉書武帝紀

吳交州刺史劉俊大都督修則將軍顧容前後三攻交阯

太守楊稷皆拒破之鬱林九真皆附於稷稷表毛吳為鬱

林太守通鑑

七年吳孫皓建衡三年秋七月鬱林太守毛吳為吳將陶璜所執不

屈死後人立祠祀之粵西文載

十年吳孫皓鳳皇三年吳分鬱林為桂林郡吳志孫皓傳

桂平縣志卷三

紀事 上編

三一 粵東編譯公司承印

咸寧五年吳孫皓天紀三年夏吳將郭馬反八月吳命交州牧陶璜

部伍所領及合浦鬱林諸郡兵擊馬同上

太康中司隸校尉石鑿奏鬱林太守介登役使所鑿求召還

尚書荀愷以為遠郡非人情所樂文學李重駁曰臣聞立法

有制所以齊衆檢邪非必曲尋事情而理無所遺也故所滯

者寡而所濟者衆今如登郡比者多若聽其貶秩居官動為

準例懼庸才負遠必有贖貨之累非所以肅清王化輯甯殊

域也臣愚以為宜聽鑿所上先召登還且使體例有常不為

遠近異制詔從之晉書李重傳

愍帝建興三年八月王機轉交州刺史機至鬱林前交州帳



下督梁碩迎前刺史修則子湛行州事以距之機不得進通鑑

廣州人背刺史郭訥迎機為刺機自以篡州懼為王敦所

討乃更求交州王敦以機難制又欲因機討梁碩遂轉機

為交州刺史碩聞而遣子侯侯機於鬱林機怒其迎遲責

云須至州當相收拷碩乃禁州人不許迎之自領交阯太

守機既為碩所距遂住鬱林晉書王機傳

孝武帝時廣州刺史王懷之以孫泰行鬱林太守事南越以

外皆歸之太子少傅王雅先與泰善言於帝以泰知養性之

方因還召晉書孫恩傳誑誘百姓愚者敬之遠如神王珣言於

會稽王世子道子流之於廣州刺史王懷之以泰行鬱林太守事後召還猶以道術眩惑士庶扇動百姓將為亂道

桂平縣志卷三

紀事 上編

四

粵東編譯公司承印

之子誅

安帝義熙七年夏四月盧循自嶺還襲廣州振武將軍孫季

高名處以距戰追奔至鬱林會病不得窮討循遂走交州晉書

孫處傳 紀盧循走交州在義熙七年夏四月今據附入

宋武帝元嘉二十三年司馬蕭景憲克林邑詔可持節督交

廣州之鬱林甯浦二郡諸軍事宋書夷

孝武帝大明七年正月己酉珊瑚連理生鬱林始安太守劉

勔以聞宋書符

先是遣費沈伐陳檀不克乃除勔龍驤將軍西江都護鬱

林太守勔既至率軍進討隨宜翦定大致名馬並獻珊瑚



連理樹

宋書劉劭三巨川府志按齊召南水道提綱西江又按

南史劉劭復由撫軍參軍除龍驤將軍城西江督護鬱林太守

大明後復由撫軍參軍除龍驤將軍城西江督護鬱林太守

明帝泰始四年前軍將軍東興縣侯吳喜除使持節督交州

廣州之鬱林甯浦二郡諸軍事 宋書吳喜傳

齊世祖武帝永明七年鬱林獲白雉一頭 南齊書祥瑞志

隆昌元年蕭鸞廢昭業為鬱林王 南齊書鬱林王紀

梁高祖武帝天監元年荀斐為鬱林太守征俚賊為流矢所

中死於陣 南史荀斐傳謝志引甯州異物志云廣州南

千亦載此府志按陳書荀

桂平縣志卷三

紀事 上編

五 粵東編譯公司承印

隋高祖開皇九年二月詔遣柱國韋洸安撫嶺外陳國皆平

得州三十郡一百縣四百 通鑑徐吳閩豐湘巴武江鄂廣東

衡凡三十州府志成桂東寧靜南定越南合崖安定致

隋書章洸本傳不載年月其人年載於開皇十年八月

十七年春二月桂州俚帥李光仕作亂帝遣上柱國王世積

與前桂州總管周法尚討之法尚發嶺南兵世積發嶺北兵

俱會尹州 通鑑州案陳改

世積所部多遇瘴不能進頓於衡州法尚獨討之光仕帥

勁兵保白石洞法尚捕得其弟光略光度大獲家口其黨

有來降附輒以妻子還之居旬日降者數千人法尚遣兵



列陣以當光仕親率奇兵蔽林設伏兩陣始交法尙馳擊  
其柵柵中人皆走散光仕大潰追斬之

今潯州南六十里蓋即白石山

隋書周府志按通鑑注白石洞在

煬帝大業十三年

即恭帝義寧元年

寧長真據鬱林

唐書高祖紀

恭帝義寧二年夏四月寧長真舉鬱林附蕭銑

唐書丘和傳

蕭銑使魯王張繡徇嶺南欽州刺史寧長真以鬱林始安

之地附於銑

通鑑

唐高祖武德五年夏四月己未隋鴻臚卿寧長真以寧越鬱

林之地請降於李靖

通鑑

七月丁酉隋漢陽太守馮盎承李靖檄帥所部來降以其地

桂平縣志卷三二

紀事 上編

六

粵東編譯公司承印

為高羅春白崖儋林振八州

同上注林州後改緇州府志按今桂平縣地新舊書地志

俱作武德四年置攷唐書馮盎傳亦作五年蓋平在四年被俘盎等至次年始相繼降附志因銑之平在四書年而誤也

高宗嗣聖六年

即武后永昌元年

七月丙子流韋待價於繡州

唐書武后紀

待價上疏請自效戎旅之用於是拜安息道行軍大總管

以討吐蕃初勝後敗又屬天寒凍雪師人多死糧餽又不

支給乃旋師頓於高昌則天大怒除名配流繡州

舊唐書韋挺傳

元宗先天元年八月流鄧光濱於繡州

唐書劉幽求傳

開元十六年秋七月丁巳下制貶麻察潯州皇化尉

通鑑

大理丞麻察坐事出為興州別駕吏部侍郎齊澣往餞因



道諫寵用王毛仲語察素姦佻遽言狀帝怒召澣入殿中  
曰卿尙疑朕不密而反告察謂何且察輕躁無行常游太  
平門者詎不知邪澣免冠頓首謝貶高州良德丞察再貶

皇化尉唐書齊澣傳

德宗貞元元年邕州都防禦使罷領桂管諸州增領潯州同上

十年七月西原蠻叛八月陷欽橫潯貴四州唐書德宗紀

憲宗元和十二年容管經畧使陽旻克欽橫潯貴四州唐書憲宗紀

黃蠻洞首領黃少卿者攻邕管圍經畧使孫公器請發嶺  
南兵窮討之德宗不許命中人招諭不從俄陷欽橫潯貴  
四州少卿子昌沔趨勇前後陷十三州氣益振乃以唐州

桂平縣志卷三二

紀事 上編

七

粵東編譯公司承印

刺史楊旻為容管經畧招討使引師掩賊一日六七戰皆

破之侵地悉復唐書南蠻傳茲據憲宗紀南蠻傳此

懿宗咸通三年邕州為嶺南西道以龔象藤巖為隸州唐書南

五月敕分嶺南為東西道節度觀察處置等使邕州為嶺

南西道其所管八州地極邊遠尤甚凋殘將盛藩垣宜添

州縣宜割桂州管內龔州象州容州管內藤州巖州並隸

嶺南西道收管舊唐書懿宗傳

謹案此時潯為邕領邕為嶺南西道則潯之隸於嶺南

西道可知

昭宗乾寧二年五月以責授繡州司戶張濬為太子賓客唐舊



書昭宗新書府志案濬由同平章事三貶不載司戶參  
藍軍是州復則州也後乘驛至

宋太祖開寶四年十四年大寶二月己丑潘美俘劉鋹廣南平

得州六十縣二百十四宋史太祖紀潭州志按

太宗太平興國二年冬十月辛酉命左衛大將軍李崇矩為

邕貴潯橫欽賓等州都巡檢使畢續

至道三年五月甲戌胡旦削籍流潯州同上

三月真宗即位以知制誥胡旦謀立故楚王元佐除名流

潯州籍其家貲宋史呂

真宗咸平二年五月甘露降潯州宋史五

桂平縣志卷三二

紀事 上編

八

粵東編譯公司承印

三年十一月甘露降潯州

大中祥符五年六月潯州六祖院法堂紫芝雙秀知州高志

甯以聞宋史五

六年十一月甘露降潯州同上

皇祐四年夏四月廣源州儂智高反五月乙巳朔陷橫貴等

八州宋史仁

是時天下久安嶺南州縣無備一旦兵起倉卒不知所為

守將多棄城遁故智高所嚮得志相繼破橫貴龔潯藤梧

封康端九州宋史蠻夷傳高入貴州(攷異)長編通鑑是年五

地理志廣南西路無入梧州蓋傳寫之誤今改正)庚申不入



過旬  
餘日

謹案畢沅續通鑑分載入貴入龔日次記載同較仁紀  
為詳依仁紀乙巳朔順推是月入貴入龔日期則丙辰  
為月之十二日而庚申為十七日中間十三十四十五  
等日除在途日數不計外入潯當為月之十四戊午日  
無疑史不言者闕文爾抑亦因當日潯治桂乎故城固  
非若今日之夾江傍山屹然重鎮者比耶然由史文參  
合驗之自入橫入貴而後以及入梧入封率皆順流東  
下沿江城邑所至不守其騷動情形幾遍宜邕容之路  
又非僅區三潯所能阻其竄逸者矣

桂平縣志卷三

紀事 上編

九

粵東編譯公司承印

十二月樞密副使王堯臣請析宜邕容州為三路以融柳象  
隸宜州白高竇雷化鬱林儀藤梧龔瓊隸容州欽賓廉橫潯  
貴隸邕州遇蠻入寇三路會支郡兵掩擊令經畧安撫使守  
貴州以統制焉

勝謂不果行二  
說未知孰是

宋史王堯臣傳以秋府志按此事宋史不詳行  
否李燾長編以秋府志謂為便遂請行與地紀

邕州大水自橫潯以東數州皆沒

宋史陶弼傳本府志案以  
上二事宋史本府志案以

月以二人皆官仁宗  
朝故附於此節錄

神宗熙甯六年增置潯江等堡

宋史蠻朝廷務休息詔諭湖  
蠻復叛朝廷務休息詔諭湖

南北廣東西路並免追  
討於是創置堡若並廢

欽宗靖康元年蔡攸責大中大夫繼而安置永州連徙潯雷



宋史 蔡京傳

高宗紹興十二年右司諫韓璜青監潯州酒稅

宋史 富直柔傳

七年潯州大旱

宋史 五行志 五

景年三年五月己巳詔廣西靜江屯田小試有效其邕欽宜

融柳象潯諸州守臣任責措置經畧安撫以課殿最仍條具

來上同上

元世祖至元十四年

宋端宗景炎元年

二月潭州行省遣使上言廣

南西路慶遠鬱林昭賀藤梧融賓柳象邕廉容貴潯皆降

元史

世祖紀

平章阿里海牙既破靜江分遣萬戶脫不花徇賓融柳欽

桂平縣志卷三二

紀事 上編

十

粵東編譯公司承印

橫邕慶遠齊榮祖徇鬱林貴廉象脫鄰徇潯容藤梧皆下

之元史 阿里海牙傳

十五年益王餘衆破潯州斬李辰李福史格分兵赴之殄其

衆

同上 十四府志 按此 事格傳 不載 年今 致元 之取 潯州 是

由閩入廣後航海至淺灣十五年二月復還廣州則此  
事應為十五年航事况下文云益王死益王之死在廣州至元  
十五年事更無疑矣

二年四月潯州路饑

元史 五行志 五

融縣獠逾潯寇平南

胡明允平獠碑

順帝至元元年十一月潯賀等處酋李百七等皆詣都元帥

章伯顏降

虞集平獠記



至正四年十二月猺賊寇潯州同知府事保童率民兵擊走之

元史順帝紀

十三年五月乙丑潯州颶風大作壞官舍民居屋瓦門扉皆飄揚七里之外

元史五行志五

明太祖洪武元年五月己卯廖永忠下梧州潯貴容鬱林諸州皆降

明史太祖紀

征南將軍廖永忠參將朱亮祖等既平廣東引兵至梧州境元達魯花赤拜住率官吏父老迎降亮祖駐兵藤州於是潯貴等州縣以次降附

明史土司傳

二年黃英傑聚眾寇鬱林同知王彬等集民丁拒守潯州經

桂平縣志卷三二

紀事 上編

一一

粵東編譯公司承印

歷徐承祖以民丁千人來援賊夜遁追擊破之

舊志

廣西省臣言廣海俗素獷戾動相讐殺蓋緣郡縣無兵以馭之近盜寇鬱林同知王彬集民兵拒守潯州經歷徐承祖亦以民兵千餘敗賊是土民未始不可用乞今境郡縣輯民丁之壯者置衣甲器械籍之有司有事則捕賊無事則務農詔從之通置衛益兵守禦賞王彬徐承祖等有功者

明史土司傳

八年潯州大藤峽猺賊竊發柳州衛官軍禽捕之

明史土司傳

大藤峽在萬山中盤礴六百里以桂平大宣鄉崇姜里為前庭象州東鄉武宣北鄉為後戶而右貴縣之龍山左藤



縣之五屯若兩臂然峽以北巢峒不可殫名而西羅淥東  
紫荆後根姜老鼠白石橫石寺塘桂州匡仙女關九層樓  
尤極險隘峽以南山稍廉瘠而牛腸大岫大寺白銀大灣  
諸村亦皆倚江立寨四塞難通自紫荆折而稍東爲茶山  
爲力山力山尤險自紫荆折而東北爲沙田爲林峒迤北  
折而稍西爲羅運羅運之險又倍力山猿蠻盤據藤峽之  
巔立而環眺則遠近數百里若可舉趾故軍旅所集肝膽  
而知急則竄伏林中不可搜捕載叢  
于海爲柳州衛指揮僉事守大藤峽蠻聚衆攻劫海破之一

方遂安

明一  
統志

桂平縣志卷三二

紀事 上編

一一一

粵東編譯公司承印

十四年賓象潯諸溪峒蠻賊剽掠沿邊廣西指揮徐元領兵

進擊白崖小藤禽殺韋公廣等數百餘人

明一  
統志

十九年羅淥山猿叛參議湯敬恭死焉都督楊文與右將軍

韓觀分兵追捕破藤峽寨所斬獲過當然賊依巖險其衆尙

繁兵撤之後時出行剽自潯至武宣道不通者數十年

載叢

二十年潯州府知府沈信請團結徭民不納

圖書集成  
職方典

潯州知府沈信言府境接連柳容梧藤等州山谿險峻猿  
賊出沒不常近者廣西布政司參議湯敬恭爲大亨老鼠  
羅碌山生猿所殺官軍討之賊登巖攀樹捷於猿狖追襲  
不及若久駐兵則瘴癘時發兵多疾疫又難進取兵退復



出為患臣以為桂平平南二縣舊附徭民皆便習弓弩慣歷險阻若選其少壯千餘人免其差徭給以軍器衣裝俾各團村寨置烽火與官兵相為聲授協同捕逐可以殲之帝以蠻夷梗化夙昔固然但當謹其防禦使不為患如為寇不已則發兵討之何必團寨乃不果行

明史 土司傳

二十八年慶遠柳潯諸蠻殺掠吏民征南將軍韓觀上章請

討

明史 韓觀傳

成祖永樂三年潯桂柳三府蠻作亂

土司傳 云蠻劫掠 黃田等處行劫

已撫

復叛遣朱輝以偏師破之蠻大懼會朝廷遣郎中學海通志作兵部尚書徐子良至諭令復業為民遂來降歸所掠人畜

桂平縣志卷三二

紀事 上編

一三

粵東編譯八公司承印

器械

明史 韓觀傳 參學海通志

撫桂平縣徭民

圖書集成 職方典

桂平縣蠻民為亂韓觀請發兵勦捕帝命姑撫之勿用兵

明史 土司傳

成祖永樂五年六月乙未張輔移師會韓觀討潯柳叛蠻冬

十月潯柳蠻平

明史 成祖紀

安南平命觀措置交趾沿途諸堡而潯柳諸蠻乘觀出復叛五年觀旋師抵柳州賊望風遁匿觀請俟秋涼深入且請濟師帝使使發湖廣廣東貴州三省司兵又勅新城侯張輔遣都督朱廣方政以征交趾兵攻馬平來賓遷江賓



州上林羅城蝸縣皆破之會兵象州復進武宣東鄉桂林  
桂平永福斬首萬餘級禽萬三千餘人羣蠻復定捷聞帝  
嘉勞之明史 韓 觀傳

二十二年十二月丙寅鎮遠侯顧興祖以總兵討平平樂潯

州蠻明史 顧成傳 仁宗紀 卷

仁宗洪熙元年七月辛卯鎮遠侯顧興祖討大藤峽蠻平之

明史 宣 帝紀

廣西諸賊復叛出梧州界捶隄天門蒼冒三嶺而冒突露  
橈沿江攻東寨廖家樓盤八大山諸賊自天門入平南縣  
大軍駐大藤峽江口殲祿廟諸山賊駕舟入峽抵潯州水

桂平縣志卷三二

紀事 上編

一四

粵東編譯公司承印

陸夾攻武宣縣諸賊獲其魁韋保蓬傾巢舉落無噍類文載

以顧興祖言增置桂平平南十縣土官副巡檢各一員凡十  
五人舉土人陸扶神等至皆用之同上

宣宗宣德四年夏四月辛巳總兵山雲討平柳潯蠻並誅從  
寇二千四百八十人梟首境上史載 參明 史土司傳

七年桂平寇覃公專伏誅圖書 築成 職方 典

雲奏斬獲桂平等縣蠻寇覃公專等首級數帝顧左右曰  
蠻寇害我良民譬之蝨賊害稼不可不去然殺之過多亦  
所不忍雖彼自取滅亡朕自以天地之心為心也明史 土 司傳

九年春三月山雲遣指揮田真攻大藤峽賊破之前後斬首



九十六級歸所掠男婦二百三十人

明史山雲傳參

廣西僉事王愷以征大藤峽襄翊有功轉廣東左參議

志金引通

錄獻徵

英宗正統元年兵部尙書王驥奏請桂平大藤峽等處戍兵

用踐更法從之

職圖方書集成

王驥奏桂平大藤峽等處蠻寇攻劫鄉村因調廣東官軍

二千人今已逾年軍器衣裝損壞宜如貴州諸軍例子踐

更從之

明史土司傳

二年總兵官山雲議撥田州等處土兵興屯潯州近山等處

從之

職圖方書集成

桂平縣志卷三二

紀事 上編

一五

粵東編譯公司承印

雲奏潯州府平南等縣耆民言大藤峽等山猺寇不時出

沒劫掠居民阻絕行旅近山荒田爲賊占耕而左右兩江

人多食少其狼兵素勇爲賊所憚若選委頭目屯種近山

荒田斷賊出入之路不過數年賊徒坐困臣已會同巡案

諸司計議量撥田州等府族目土兵分界耕守卽委土官

都指揮黃竑領之遇賊出沒協同勦殺從之

明史土司傳

六年桂平等處地方弗靖敕總兵等官撫安之

通學志海

七年以誅猺功賜千戶滿智等沒官家口

職圖方書集成

猺賊藍受貳等恃所居大藤峽山險糾集大信等山山老

山丁數百人遞年殺掠千戶滿智等誘殺十人帝命梟之



家口給賜有功之家

明史土司傳協剿誘禽蠻會藍受正統初撥狼兵協剿誘禽蠻會藍受正

等梟以狗而賊首侯大狗遁去仍嘯聚倡亂蓋即指此特未言受貳受禽耳

潯州老藍寇起廣西參政錢奐單騎諭平之

氏任參政在案奐任參政在志

正統間則藍寇當為受貳故附於此

文載作正統十四年事疑誤

十一年大藤峽蠻賊流劫鄉村侵犯諸縣巡按萬節以聞

明史

傳士司

十四年兩廣蠻寇猖獗都指揮使范信躬率精銳斬俘招徠

威德並施邊境底甯升左參將鎮守潯州

李通志

按察司章聰奏徙南丹衛於賓州奉議衛於貴縣士卒免煙

桂平縣志卷三二

紀事 上編

一六

粵東編譯公司承印

瘴苦議置巡司於潯梧柳慶要害之地民免團軍之擾

浙江通志

景帝景泰二年廣西按察副使劉仁宅守潯州都指揮黃竑殺其異母兄思明知府珊及其家七十人以滅口仁宅與參

政曾鞏往治之

金通志引獻徵錄

初竑使人持金私仁宅鞏於馬平驛舍且約事定後其子

當得政府則盡輸其府藏若干而父子各擁兵數萬於外

以相挾撓聲勢甚熾仁宅陽許之乃畱鞏於潯為約而去

及至南甯竑二子來迓仁宅伏甲士縛之鞏亦誘執竑於

潯以歸論死竑陰遣人上京師造姦謀得釋罪且進位都

督既益橫乃竑人据撫他事中仁宅以報憾仁宅亦上疏



自陳事下有司未報仁宅遽委政去夫順初竝飲藥死其子政輩皆伏誅有勸仁宅出者不應

文載劉仁宅傳

溥梧猺亂總兵董興武毅推委不任于謙請以翁信陳旺易之而特遣一大臣督軍務乃以命翽兩廣有總督自翽始

明史

王翽傳

參將范信殺獲大藤峽等處賊首侯通三等二百三十有奇

蠻寇遁散

叢載

七年大藤峽賊糾合荔浦等處賊掠却縣治殺擄居民命總

兵柳溥等勦之

明史柳溥傳

溥出鎮廣西廉慎然無將畧承山雲後不能守成法過於

桂平縣志卷三二

紀事 上編

一七

粵東編譯公司承印

寬弛猺獠相煽為亂溥先後討斬大藤峽賊渠破柳州思

恩諸蠻寨而賊滋蔓如故

明史柳溥傳

時猺賊猖獗地方殘破岑溪典史區昌詣溥南召土狼屯連

城永定二鄉耕守其土為邑保障民甚德之

郝通志

英宗天順六年總兵顏彪攻賊於大藤峽破之

圖書集成職方典

五年二月鎮守廣東中官阮隨奏大藤峽猺賊出沒兩廣

為惡累年邇來逾甚雖常會兵勦捕緣地理遼闊且兩廣

軍馬不相統屬未易成功宜大舉擣其巢穴庶絕民患乃

命都督僉事顏彪征南將軍印調南京江西及直隸九

江等衛官軍一萬隸之六年彪奏率軍進勦大藤攻破七



百二十一寨斬首三千二百七十一級復所掠男婦五百餘口帝敕獎之

明史土司傳

巡撫葉盛同都督顏彪討大藤蠻賊督兩江并江西湖廣浙江等衛所及官兵士兵壯快人等分道夾攻破老鼠道袍石門紫荆金龍白鶴六廟仙女關通天嶺等巢七百二十一處禽斬首從賊徒三千二百十七名顆燒燬房屋禾倉萬七千二百間追奪賊船五百三隻奪回被擄男女五百三十一名口牛馬五百二十四匹器械五千七百一十件

載叢

八年詔能捕侯大狗者予千金爵一級竟不可得甚至延蔓

廣東高廉雷諸境兩廣守臣皆待罪

合巒司志

時國子監生封登奏潯州夾江諸山崦岬巖窠峽中有大藤如斗延亘兩岸勢如徒杠蠻衆議度號大藤峽最險惡地亦最高登藤峽嶺數百里皆歷歷目前軍旅之聚散往來可顧盼盡諸蠻倚爲奧區桂平大宣鄉崇姜里爲前庭象州東鄉武宣北鄉爲後戶藤縣五屯障其左貴縣龍山據其右若兩臂然峽北巖洞以百計仙人關九層崖極險峻峽以南有牛腸大岫諸村皆緣江立寨藤峽府江之間爲力山力山之險倍於藤峽又南則爲府江其中多冥巖奧谷絕壁層崖十步九折失足隕身中產獠人藍胡侯槃



四姓爲渠魁力山又有獠人善傳毒藥弩矢中人無不立斃四姓獠亦憚之自景泰以來嘯聚至萬人墮城殺吏而修仁荔浦平樂力山諸獠應之其勢益張渠長侯大狗嘗懸千金購莫得鬱林博白新會信宜興安馬平來賓亦煽動所至邱墟爲民害乞選良將多調官軍狼兵急滅賊報

聞明史

按察司僉事袁凱治兵溇梧

文載天順間故附於此

憲宗成化元年正月左僉都御史韓雍征夷將軍都督趙輔遊擊將軍都督和勇等調兩京江湖漢連兵討侯大狗

天下一郡國

利病書

桂平縣志卷三

紀事 上編

一九

粵東編譯公司承印

兵部尙書王竑建言峽賊向從招撫驕倨桀驁若今不重懲之其禍不止臣薦浙江參政韓雍智勇過人兼文武才可屬以討賊都督趙輔才略可任大將之器報可二月擢雍僉都御史督理戎務輔爲征夷大將軍又以右軍都督和勇爲遊擊太監盧康陳宣爲監軍戶部侍郎薛遠督餉御史劉慶汪霖記功上詔雍曰將士有功者得自置三司而下不用命者輒以軍法論朕不中制也

續文獻通考

大藤峽賊三千餘陷平南縣殺典史周誠擄其妻子並劫縣印又入藤縣城掠官庫劫縣印鎮守總兵歐信以聞

同上

冬十二月韓雍大破大藤峽獠改名峽曰斷藤

明史憲宗紀



雍馳至南京集諸將議方畧編修邱濬上書大學士李賢言賊在廣東者宜驅在廣西者宜困欲宿兵大藤峽扼其出入蹂其禾稼期一二年盡賊賢善之獻于朝詔錄示諸將諸將主其說請令遊擊將軍和勇率番騎趨廣東而軍直趨廣西分兵撲滅雍曰賊已蔓延數千里而所至與戰是自敵也當全師自搗大藤峽南可援高肇雷廉東可應南韶西可取柳慶北可斷陽峒諸路首尾相應攻其腹心巢穴既傾餘迎刃解耳舍此不圖而分兵四出賊益奔突郡邑益殘所謂救火而噓之也衆曰善輔亦知雍才足辦賊軍謀一聽雍雍等遂倍道趨全州陽峒苗掠興安擊破

之至桂林斬失機指揮李瑛等四人以徇按地與諸將議曰賊以修仁荔浦爲羽翼當先收二縣以孤賊勢乃督兵十六萬人分五道先破修仁賊窮追至力山禽千二百餘人斬首七千二百級荔浦亦定十月至潯州延問父老皆曰峽天險不可攻宜以計困雍曰峽延廣六百里安能使困兵分則力弱師老則財匱賊何時得平吾計決矣遂長驅至峽口儒生里老數十人伏道左願爲嚮導雍見即罵曰則敢給我叱左右縛斬之左右皆愕既縛而袂中利刃出推問果賊也悉支解剝腸胃分挂林箐中纍纍相屬賊大驚曰韓公天神也

明史 韓雍傳

雍令以六萬八千人爲右軍



總兵歐信參將孫麒高瑞都指揮夏正等將之自象州武  
宣分爲五道攻其北以九萬二千人爲左軍都指揮白全  
楊嶼張綱王祀指揮唐雄等將之由桂平平南分爲八道  
攻其南復令參將孫震指揮陳文章等守左江及龍山五  
屯防其奔軼而自與趙輔和勇營高振嶺以督諸軍且令  
歐信曰北山旣破便可提兵深入夾攻桂州橫石諸崖令  
夏正曰林峒沙田府江間道也宜越古眉雙髻諸山伏兵  
林峒扼其東奔諸將敬諾於是諸道竝發腹背夾擊賊旣  
失利乃置婦女積聚於桂州橫石寺塘據險立柵而悉力  
捍於峽南置滾木礮石鏢鎗毒矢下如雨注官軍仰山而

攻雍督戰益急敵少息雍覘其怠擊之將士用團牌扒山  
虎壓二芭諸器魚貫以進皆殊死戰呼聲裂山谷賊氣奪  
乃縱火焚柵因而乘之歷破山南石門大信道袍屋夏紫  
荆竹踏梁腦老鼠塞嶺林峒沙田古營牛腸大帖大塞諸  
寨賊屋廬藏積俱赭會日暮雍命就營賊巢中衆栗栗視  
雍雍恬然整暇衆恃以安賊旣潰入橫石諸崖雍飭兵窮  
追伐山通道行數日至其地賊上九層崖抗戰前樹大柵  
用千斤礮石從雲霄轉下聲如轟雷且弩矢雨注不可當  
雍誘使大發而令人間道潛陟其巔覘發竭舉礮賊大駭  
雍麾死士以大斧刊木板蘿而升前後不絕如議漫山奮



擊然後發火箭焚柵而夏正等亦自林峒來援賊大奔生禽侯大狗合贊司志破賊寨三百二十四所斬首三千二百七級生禽七百八十二人獲賊婦女二千七百一十八人戰溺死者不可勝計明史志土人謂自國初用兵未有窮巢破賊如此甚者於是斬藤峽斷之更名曰斷藤峽所斷藤幹老而中空截其兩端蒙以牛皮作大鼓置軍門逢逢然聲聞十餘里其後移於兵備行臺扣之無聲歸即如舊以

爲神

舊府志

命薛遠督餉星馳調兵食師至如歸乃諭其衆能破賊者即有輜貨人人奮勇師至大藤峽躬冒矢石腹背夾攻賊平遷

桂平縣志卷三

紀事 上編

一一一

粵東編譯公司承印

左侍郎

載文

二年六月甲辰趙輔師還

明史志

雍分兵擊餘黨鬱林陽江維容博白次第皆定帝大喜賜敕嘉勞召輔等還明史志封武靖伯已而蠻入潯州言官

交劾廣西巡按御史端宏謂賊流毒方甚而輔妄言賊盡冒封爵不罪輔無以示戒輔乃自陳戰閱委其罪於守將

歐陽信帝皆弗問

明史志

十二月斷藤峽賊復起

明史志

雍奏斷藤峽殘賊侯鄭昂等七百餘人夜入潯州府城焚軍營城樓奪百戶所印三顆殺掠男婦數十人旋爲參將



孫震指揮張英率軍擊斬賊魁餘黨仍奔入巢

明史 土司傳

大藤峽賊鄭昂攻陷容藤二縣總督韓雍四面集兵追捕之

昂伏誅

天下郡國利病書

置武靖州以原上隆州岑鐸掌州事隸潯州府

續文獻通考

雍奏諸徭之性憚見官吏攝以流官終難靖亂請改武宣

縣東鄉等巡檢司以土人李昇等為副巡檢設武靖州於

峽內以上隆州知州岑鐸知州事土人覃仲英世襲土官

吏目

明史 土司傳

三年賊首黃公漢等猖獗僉事陶魯偕參將夏鑑等連破之

思恩潯州

明史 陶魯傳

桂平縣志卷三二

紀事 上編

一三二

粵東編譯公司承印

和勇上言大藤峽之役臣與趙輔同功輔還京諸賊復叛臣親搗賊巢繫其魁誅其黨還被掠男女四千人今輔已封伯而臣止進秩惟陛下憐察憲宗以勇再著戰功特封靖安伯

明史 和勇傳

九年柳潯諸蠻復叛參將楊廣等俘斬九百人方更進而賊

破懷集縣兵部劾雍奏報不實廣西鎮守中官黃心等憾雍

抑己因訐雍且言其貪欲縱酒濫賞妄費帝遣給事中張謙

等往勘而廣西布政何宜副使張敷銜雍素輕己共醞釀其

罪竟致仕去

明史 韓雍傳

潯州府知府史芳以事見責訐兩廣總督朱英奸貪欺罔按



皆無驗乃鐫芳二官

明史朱英傳

十六年十二月潯梧高廉賊起總督兩廣軍務都御史朱英

偕總兵官平鄉伯陳政等分道擊之再戰俘斬甚衆

明史朱英傳

賊首韋諫誠恃大藤峽險復倡亂按察僉事羅明生禽之捷

聞賜敕獎諭

孝通志

潯梧鬱林諸處寇亂督師韓雍檄范鏞親抵賊巢諭以逆順

諸酋望風畏服有流賊猝至鏞督官兵捕殺之築博羅陸川

岑溪三縣城以衛民改分巡桂平道未幾潯鬱賊起總督朱

英檄鏞往討賊聞鏞再至驚惶請罪事平遷按察使

江西通志

孝宗宏治三年總制遣官護岑溥之子猯入田州爲岑欽所

桂平縣志卷三

紀事 上編

二四

粵東編譯公司承印

遏居潯州巡撫秦紘逐走欽還浦於府留官軍戍之亂遂定

明史土司傳

武宗正德四年藍賊搆亂一日謀報賊衆分攻平南貴桂三

邑廣西僉事符觀督兵馳至平南江伺賊半渡擊之斫其渠

魁中流渰沒不計其數

金通志引 獻徵錄

潯衛將與卒訟田久不決以危言脅服觀不爲動竟質平

同上

潯民訴田少稅多期得減觀曰使田浮則欺上使稅浮則損

下當驗實兩平已而田不少衆帖服

同上

九年春督府林檄思明府同知姚澄執黃鏐繫潯州獄

海學志

十一年斷藤峽苗時出剽左都御史總督兩廣軍務陳金以



苗嗜魚鹽可以利縻乃立約束令民與苗市改峽曰永通明史

陳金傳

金謂諸蠻利魚鹽乃與約商船入峽者計船大小給之魚鹽蠻就水濱受去如榷稅然不得為梗蠻初獲利聽約道頗通金以此法可久易峽名永通諸蠻緣此無忌大肆掠奪稍不愜即殺之因循猖獗江路為斷明史 潯州人為語曰永通不通來葬江中誰其作者噫陳公蓋咎金失計也

明史陳金傳

潯州衛指揮同知周龍哨守平南衆大至死于陣此府志載

著正德末故附於此

桂平縣志卷三二

紀事 上編

二五

粵東編譯公司承印

世宗嘉靖七年總督王守仁定田州還兩江父老遮道言峽賊阻害狀守仁上疏請討報可乃令官軍突進賊奔斷藤峽復追擊破之兩江悉定明史

守仁以總制定田州亂還至潯州父老遮道言斷藤及八寨亂狀守仁集諸將會議乃以二萬人遣副使翁素僉事汪秦吳天挺參將張經指揮謝佩襲勦仍密督永順土兵勦牛腸諸寨保靖土兵勦六寺諸寨部署既定先是峽賊聞軍門檄湖廣土兵皆逃匿深險及聞以盧蘇王受歸降罷兵稍稍弛備至是守仁駐南甯故為散遣諸兵狀湖廣兵皆偃旗臥鼓馳至與官軍突進四面夾攻之賊敗退保



仙女山據險結寨官軍攀木緣崖仰攻之連破油磗石壁大陂諸巢賊遽奔斷藤諸軍追擊之賊奔渡橫石江覆溺死者六百人諸軍自後急擊俘獲甚衆賊潰散遍搜山峒無遺者還兵自潯州守仁密檄諸將移兵勦仙臺諸賊仍分布各哨永順兵由礮石大黃石登岸勦仙臺花相保靖兵由烏江口丹兵埠登岸勦白竹古陶羅鳳賊聞牛腸諸寨破大懼方據險設伏而諸軍驟進奮勇夾攻賊不支奔入永安力山乃分兵圍之賊復大潰其奔諸路者多爲防截參將沈希儀所擒於是斷藤之賊略盡初守仁因八寨賊去斷藤稍遠別遣布政使林富副總兵張佑督盧蘇王

受兵五千勦八寨賊各乘夜銜枚襲擊石破石門隘賊始驚覺且戰且走至日午賊號召二千衆還拒官軍奮擊之賊旣失險氣奪不能支遂太潰奔入重險官軍搜勦連破古蓬固安古鉢都者諸寨於是八寨之賊亦盡計前後擒斬凡三千人兩江底定守仁乃班師

贊司合志

武靖州知州岑邦佐占管狼田喉諸徭攻墮旁近營壘

節舊志

武靖州在府城西二十五里地名碧灘先是成化三年總督韓雍以其地爲藤峽要害立州治時上隆州土官岑鐸犯大辟下獄奏宥其罪遷其部兵二千人世掌武靖州事設流官吏目一員尋復移置崇姜大宣二里間爲蓼水北



岸乃紫荆竹踏梅嶺大冲諸山要路地廣土沃袤連大同  
朋化可以控制諸蠻鐸死子圮無嗣部兵漸散正德十六  
年議以田州府岑猛次子邦佐繼之時僅有部兵五十人  
嘉靖五年猛亂安置邦佐漳州至是總督王守仁奏復邦  
佐知州事邦佐益無忌憚占管狼家爲部落奪其田而賣  
之貪圖江南吉大里良村遠離汎地以睚眦慙嗾諸獠攻  
墮營壘日兵死者二百餘人時左江副使翁萬達參議田  
汝成言之督府數邦佐諸罪狀謂宜逮治削職以武靖州  
改爲武靖千戶所推賢能軍職一人掌管以桂平平南貴  
縣三縣狼家屬之提調編爲保甲其餘計便督府不從其

桂平縣志卷三二

紀事 上編

二七

粵東編譯公司承印

後邦佐死子峯襲峯死絕以族人清寶襲清寶復死絕改

爲鎮以所領狼兵屬本府通判

清初因之設土官後復裁鎮歸入桂平縣

九年春二月林富等遣將分勦石硯斷藤峽七都板塘古雍

古風俘馘有差諸巢悉平

叢載地名非今平南古雍柳州

十五年武靖州知州岑邦佐庇賊受賄峽北賊復起

節蠻司合志

十七年斷藤峽賊侯公丁據弩灘爲亂張經與御史鄒堯臣

等定計以軍事屬副使翁萬達誘執公丁

明史張經傳初胃蔡姓

久之乃復是張經本一人傳又云命副總兵張經將三萬五千人爲左軍此當另是一人

賊目侯勝海者居弩灘號召多人武靖土目黃貴章香與  
勝海有隙且利其田廬言於指揮潘翰臣請殺勝海翰臣



素寡謀卽遣貴香誘勝海市中刺之其弟公丁集衆噪城下殺廂民二人去僉事卽閱參議孫繼武言於都御史潘且請討參將沈希儀沮之曰猾賊未易取須開春江漲以數千人從武宣順流撲之繼武恚恨謂閱曰是夫彘彘攘功者閱然之遂還潯州以千人溯流擊弩灘賊皆遁去斬一病狎而還遂言賊已斂迹請立堡戍且從之希儀復言賊未大創兵威不彰立堡難守且不聽已而堡成閱命黃貴韋香以兵三百人守之約曰侯氏田廬任擇處不禁於是諸獠大忿邦佐又陰黨之公丁遂鳩衆二千人夜寇堡戍兵死者二百餘人貴香走免御史諸演疏其事乃奪閱

與繼武職而以侍郎蔡經出代且經集諸司議咸謂兩廣軍政自韓襄毅後大抵用大征鵬勦二法而無備用勦有備用征勦用少兵征用多兵經謂用征使會朝議征安南未遑也已而公丁乃益橫時出殺掠先是副使翁萬達力請討公丁御史鄒堯臣贊之經乃會安遠侯柳珣決計發兵以兵事屬萬達萬達廉得百戶許雄素通賊有狀乃劫雄曰能擒公丁者免死否則論法不少貸雄皇恐頓首願效力自贖萬達乃陽言公丁本良獠爲讐家誣構耳寇堡小事吾當爲白之遂捕繫訟公丁者數人責其啓釁公丁果遣人懇列冤狀萬達許諾復令雄以白金貸諸獠捐公



丁本業公丁喜惟雄所使會萬達按旁縣以計屬參議田汝成汝成召雄申飭之雄乃給公丁曰若爲潯人指名久矣寇堡之冤翁公知之田公不知也今田公新到何不仍列冤狀如前時而乃嘿嘿爲公丁然之遂隨雄見汝成汝成曰亦聞之誠冤汝第歸乃陽爲遣勞而密令廂民被殺者家出毆公丁譁於市遊徼連逮公丁並毆者皆入獄亟遣雄詢諸獠曰寇堡事公丁供諸獠所爲而廂民以爲實公丁爲之今以此詢果出自汝諸獠則當釋公丁而逮汝等如其不然請爲汝等共棄之以一公丁爲禍本也諸獠競言事實由公丁願棄之母敢黨者遂檻致軍門磔示之

蠻司合志

十八年太師征斷藤峽諸蠻悉平之

天下郡國利病書

田汝成旣斬公丁因言曰首惡旣戮賊黨震怖我兵乘此時加之必成擒矣蔡經曰然遂料兵分左右進時張經議欲仍以兵勦之勿深入又欲舍紫荊等賊藪勿擊翁萬達持不可謂勦之必無功且損軍威令諸獠恣肆久不重懲之不足懾其心汝成亦同萬達議蔡經曰峽南亦劇賊但今兵力不能併姑緩之遂格張經議己亥春二月以兵三萬五千爲左軍命張經統之以副使翁萬達監軍分六道進經部下指揮王良輔由牛渚灣越武靖攻紫荊根姜老



鼠諸巢朱昇由三等村渡蓼水攻石門黃泥嶺諸巢柳溥  
由白沙灣攻道袍梅嶺諸巢凌輔由白沙灣攻大昂小梅  
嶺諸巢周維新一作周新由白沙攻藤冲綠水冲諸巢孫文炳  
一作孫維由藤峽攻大坑巢又以兵一萬六千餘人爲右軍命  
都指揮僉事高乾將之以副使梁廷振監軍分四道進乾  
部下指揮馬文傑由武宣攻碧灘綠水諸巢王俊由武宣  
入山攻羅綠上洞戚振攻中洞吳同章攻下洞以參政林  
士元及田汝成督餉以副使蕭晚紀功是月兩軍翼擊之  
賊大窘遂擁衆奔林洞而東王良輔以兵擊之中斷賊復  
西奔遇軍官諸路畢至奮殺賊一千二百餘及其東奔者

入羅運山萬達等移兵攻羅運又斬首千餘級賊益窘賊  
黨有桀黠者號於衆曰往年據險結巢被官兵殲之今日  
不可再聚於是賊皆漫走山谷間令官兵疲於追逐且持  
日久糧盡必速退會有言羅運山古所未至者賊遁深入  
不復窮追云時平南縣有小田羅應古陶古思諸徭亦據  
險弗靖萬達等又移兵剿之三月班師招賊黨二百餘人  
峽南胡姓諸徭歸順者亦千餘人藤峽遂平翁萬達及田  
汝成乃共籌處徭七事獻督府其所陳州治云者緣王守  
仁旣平斷藤峽奏宥岑猛子邦佐罪令復武靖州知州後  
邦佐不率命殘虐部民爲甚又令提調三縣狼民亦被其



害今邦佐部下多離心請改州爲武靖千戶所擇人任之  
即以三縣良民家之族隸焉議獻蔡經多采請於上行之  
捷奏朝廷晉蔡經職一級柳珣加宮保諸將帥守臣等皆  
賞賚有差

叢載引  
舊通志

藍寇構亂一日謀報賊衆分攻平南貴桂三邑按察僉事符  
觀馳至平南江伺賊半渡擊之斫其渠魁中流淹沒不計其

數

金志錄引  
獻徵錄

弩灘獠賊雜處胡藍二姓間相助爲寇或議大舉兵盡殲之  
按察使陸銓曰不若討渠魁而釋其餘戎帥是其言弩灘果

平

同上

桂平縣志卷三二

紀事 上編

三二

粵東編譯公司承印

七山羅旁賊亂左叅政張謙督叅將王寵朱昇由潯州上流

夜倍道入七山搜捕略盡

載文

五指山剗賊韋公廩入寇潯州推官郭時斗破滅殆盡

浙江通志

黃應甲以潯梧左叅將從俞大猷討平章銀豹進秩二等

明史

李錫傳

四年御史劉臺上疏劾輔臣張居正謫戍潯州

明史劉臺傳

六年移潯梧叅將王德懋駐岑溪彈壓

天下郡國利病書

十四年夏賑廣西潯柳平樂饑

明史神宗紀

四十五年粵西大稜柳慶橫邕潯梧稻盡稿詔都俘死相藉

粵西文載



林武苴守備五山值府江猺亂王師入勦度賊必走平南率  
兵邀擊之

同上年上府志按文載此事不著  
祇作萬曆中故此附此

謹案府江當即潯江所謂林峒沙田府江間道是也因  
入勦而走平南其為桂平之事殆無疑義

熹宗天啓六年十二月甲子潯州賊殺守備蔡人龍

明史熹  
宋紀

崇禎間潯貴剽馬賊起

休甯  
縣志